

# RUKNOVI (STUPOVI) ISLAMA

## أركان الإسلام

Je li muslimanu i muslimanki dovoljno samo vjerovati?

Muslimanu i muslimanki nije dovoljno samo vjerovati nego treba izvršavati i slamske dužnosti.

Koliko ima glavnih islamskih dužnosti i koje su?

Glavnih islamskih dužnosti ima pet, a to su:

1) IZJAVITI KELIME - ŠEHADET

2) NAMAZE KLANJATI

3) MJESEC RAMAZAN U GODINI POSTITI

4) ZEKAT (vjerski doprinos) DAVATI

5) HADŽ IZVRŠITI (jednom u životu Kabu posjetiti, kome je moguće).

Gdje su nam naređene glavne islamske dužnost?

Glavne islamske dužnosti naređene su nam u Kur'anu i u vjerodostojnim hadisima kao stroge Allahove zapovijedi (farzovi), pa su ih muslimani i muslimanke dužni obavezno izvršavati.

Šta zaslužuju oni koji ne izvršavaju Allahove zapovijedi?

Oni koji ne izvršavaju Allahove zapovijedi zaslužuju Allahovu kaznu.

Kako se zovu glavne islamske dužnosti?

Glavne islamske dužnosti zovu se ruknovi (stupovi) islama, a to su vidljivi znaci da je neko musliman ili muslimanka...

Šta smo dužni u djetinjstvu naučiti?

U djetinjstvu smo dužni naučiti kako se vrše islamske dužnosti i priviknuti se na njihovo izvršavanje.